



الجامعة الإسلامية العالمية ماليزيا
INTERNATIONAL ISLAMIC UNIVERSITY MALAYSIA
بُوتِنَبْرُسِيَّتِي اِسْلَامًا اَنْبَارًا اَبْجَسًا مِلْدَسِيَّا

**KONSEP DAN REALITI PROFESION GUAMAN
SHARĪ: KE ARAH PENINGKATAN KUALITI**

**OLEH
NOORAFIZAH BINTI ABDUL AZIZ**

**KERTAS PROJEK INI DIKEMUKAKAN UNTUK
MEMENUHI SEBAHAGIAN DARIPADA SYARAT
MEMPEROLEHI DIPLOMA UNDANG-UNDANG
DAN PENTADBIRAN KEHAKIMAN ISLAM**

**KULIYYAH UNDANG-UNDANG
UNIVERSITI ISLAM ANTARABANGSA
MALAYSIA**

JUN 2000

ABSTRAK

Bidang Guaman *Shar'at* dianggap masih baru oleh masyarakat dan sedang berkembang pesat sebagai salah satu institusi profesional di Malaysia.


Umumnya institusi guaman *shar'at* di negara ini mempunyai persamaannya dengan institusi guaman sivil di dalam banyak aspek. Cuma terdapat kelemahan serta beberapa kekurangan di sudut-sudut tertentu khususnya melibatkan teknikal, sesuai dengan kewujudannya yang baru bertapak dan memerlukan kematangan secukupnya untuk maju berkembang.

Konsep guaman di dalam perspektif agama memang telah wujud dan diterima pakai sejak dahulu lagi. Walau bagaimanapun implimentasinya di negara ini perlu diberi nafas baru, dengan masih mengekalkan konsep dan tujuan asal profesion tersebut diwujudkan.

Latihan Ilmiah ini akan cuba mengupas tentang konsep dasar bidang guaman *shar'at*, peranan dan kedudukan peguam *shar'at* dalam Islam dan realiti pemakaiannya di Malaysia serta beberapa cadangan ke arah meningkatkan tahap profesionalisme bidang tersebut.

PENGAKUAN

Saya akui karya ini adalah hasil kerja saya sendiri kecuali nukilan-nukilan dan ringkasan-ringkasan yang telah saya jelaskan sumbernya.



NOORAFIZAH BINTI ABDUL AZIZ

710421-01-5574

Kertas Projek ini didedikasikan khas kepada Universiti Islam Antarabangsa Malaysia. Ianya adalah bertujuan mengembangkan ilmu *Shari'ah* untuk dikongsi bersama oleh para pengguna di seluruh negara kita.

Setinggi-tinggi penghormatan ditujukan khas buat Allahyarham Profesor Tan Sri Datuk Ahmad Ibrahim telah terlalu banyak menyumbangkan ilmu beliau dalam bidang undang-undang serta sekian lama telah bertungkus lumus demi memartabatkan perundangan Islam di Malaysia. Begitu juga kepada para pendokong seterusnya yang tidak jemu-jemu cuba memastikan perundangan Islam tidak dicabuli.

Penghormatan dan jutaan terima kasih ini juga ditujukan khas untuk suami Mohd. Rafie Hj. Tibek, anak-anak Nur Afiqah, Nur Afifah Faizah, Nur Alya Adibah, Muhd. Haziq Afifi dan Naqib Islah Afifi tercinta serta seisi keluarga yang telah banyak memberi sokongan dan tiupan semangat sepanjang masa. Selain itu penghargaan ini ditujukan kepada semua pihak yang terlibat dalam menyiapkan kertas projek ini. Begitu juga kepada kalian yang tekun Faiz, Nik dan Along. Terima Kasih.

PENGHARGAAN

Setinggi-tinggi kesyukuran dipanjatkan kehadiran Allah S.W.T serta segala puji bagiNya kerana dengan keizinan, taufiq dan hidayahNya latihan ilmiah ini dapat penulis siapkan walaupun dalam serba kekurangan. Ianya merupakan syarat bagi memenuhi sebahagian keperluan kursus Diploma Undang-undang dan Pentadbiran Kehakiman Islam (D.A.I.J) di Kuliyyah Undang-undang, Universiti Islam Antarabangsa.

Penulis dengan ini merakamkan jutaan terima kasih pertamanya kepada *al-faḍil Ustadh* Sarip bin Adul selaku penyelia latihan ilmiah ini. Beliau sememangnya banyak membantu memberi bimbingan, tunjuk ajar dan nasihat sepanjang proses penulisan ini dijalankan.

Seterusnya terima kasih juga kepada *al-faḍil Ustadh* Dr. Ismail bin Mohd @ Abu Hassan yang turut membantu penulis menyempurnakan latihan ilmiah ini. Begitu juga kepada semua pihak yang terlibat dalam memberi kerjasama serta sokongan moral secara langsung atau sebaliknya. Semoga semuanya sentiasa dibawah lindungan dan taufiq Allah dan mendapat balasan yang sebaik-baiknya.

SENARAI KES

Nafsiah lwn. Abdul Majid (1962) 2, MLJ 174

SENARAI STATUT

Akta Penjagaan Kanak-kanak 1966

Enakmen Pentadbiran Undang-undang Islam Selangor, 1989

Kaedah-kaedah Peguam Syarie Selangor, 1991

Perlembagaan Persekutuan

SENARAI SINGKATAN KATA

Bah.	-	Bahagian
Dr.	-	Doktor
D.B.P	-	Dewan Bahasa dan Pustaka
hal.	-	halaman
jil.	-	jilid
J.P.M	-	Jabatan Perdana Menteri
K.L	-	Kuala Lumpur
Prof.	-	Profesor
S.A.W	-	Sallallah Alaihi Wassalām
S.W.T.	-	Subhanahu Wa Taālā
t.t.	-	tanpa tarikh

ISI KANDUNGAN

Abstrak	ii
Pengakuan	iii
Penghargaan	iv
Senarai Transliterasi	v
Senarai Kes dan Statut	vi
Senarai Singkatan kata	vii
Isi Kandungan	viii

BAB SATU

KONSEP *WAKĀLAH* DAN GUAMAN DARI PERSPEKTIF ISLAM

1.1	DEFINASI <i>WAKĀLAH</i>	1
1.2	DALIL-DALIL PENSHARI'ATAN <i>WAKĀLAH</i>	3
1.3	RUKUN <i>WAKĀLAH</i>	6
1.4	<i>WAKĀLAH</i> DALAM BIDANG PERUNDANGAN (GUAMAN)	6
	1.4.1: <i>Reḍa</i> pihak lawan	7
	1.4.2: <i>Wakālah</i> dengan <i>iqrār</i>	7
	1.4.3: Menerima upah atau mengambil bayaran dari anakguam	8
	1.4.4: Kes-kes yang boleh diambil oleh seorang Peguam Sharīf	8
1.5	MASALAH WAKIL MEWAKILKAN PULA KEPADA ORANG LAIN	12
1.6	MASALAH PEMECATAN WAKIL ATAU PENARIKAN DIRI	13
1.7	KESIMPULAN	14

BAB DUA

PERANAN DAN KEDUDUKAN PEGUAM *SHAR'Ī* DI MALAYSIA

2.1	PENDAHULUAN	15
2.2	SEJARAH PROFESION GUAMAN	15
2.3	PERANAN PEGUAM <i>SHAR'Ī</i>	17
2.4	KEDUDUKAN PEGUAM <i>SHAR'Ī</i> DI MALAYSIA	21
2.5	TATATERTIB PEGUAM <i>SHAR'Ī</i>	24
2.6	KESIMPULAN	27

BAB TIGA

REALITI PERLAKSANAAN GUAMAN *SHAR'Ī* MASA KINI

3.1	PENDAHULUAN	28
3.2	REALITI PROFESION GUAMAN <i>SHAR'Ī</i> DI MALAYSIA	28
3.3	MASALAH DAN CABARAN	33
3.4	KE ARAH PENINGKATAN KUALITI GUAMAN <i>SHAR'Ī</i> DI MALAYSIA	36
	3.4.1: Pengetahuan Peguam <i>Shar'ī</i> yang luas terhadap Undang-undang Islam	37
	3.4.2: Penulisan Berkaitan Kepeguaman <i>Shar'ī</i>	39
	3.4.3: Pendedahan Sistem Kehakiman Melalui Kursus kepada Peguam <i>Shar'ī</i>	39
	3.4.4: Penubuhan Jabatan Kehakiman <i>Shary'ah</i>	43
	3.4.5: Penyeragaman Kaedah-kaedah Peguam <i>Shar'ī</i> seluruh Malaysia	44
3.5	RUMUSAN DAN PENUTUP	45

BIBLOGRAFI

1.1 DEFINASI WAKĀLAH

Perkataan *wakālah* berasal dari perkataan Bahasa Arab وكالة، يوكل، وكل، ركل yang bererti menyerahkan dan pekerjaan wakil¹.

Wakālah juga boleh didefinasikan sebagai menjaga, menjamin, melengkap dan menyerah. Apabila seseorang itu dikatakan 'wakil' maka maksudnya dia adalah penjaga, penjamin atau pelengkap kepada pekerjaan atau urusan yang diserahkan².

Wakālah dari segi *syara'* pula ialah mendirikan seseorang kepada seseorang yang lain bagi dirinya secara *mutlaq* ataupun bersyarat³.

Istilah fiqh berkaitan dengan *wakālah* disebut dalam perkara 1449, Majallah al-Ahkām al-ʿAdliyyah sebagai:

*"Wakālah ialah penyerahan tugas seseorang kepada seseorang yang lain dan meletakkannya di tempatnya"*⁴.

¹Muhammad Idris Abdul Rauf Al Marbāwi, (1935M-1354H), *Kamus Idris Al-Marbāwi Arab-Melayu*, Mesir: Juzuk ke 2, 1350 H. hal.397.

²Abdul Rahman al Jaza'ri, *Kitāb al fiqh'alā al-Madhahib al-Arbā'ah*, Beirut: Dar al-Fikr. 1392 Hijrah. Jilid 3.

³Mahmud Saedon Awang Othman (Prof. Dato' Dr.), *Al-Ahkām: Penghakiman dan Kepeguaman*, Dewan Bahasa dan Pustaka Kuala Lumpur, 1997 hal.41.

⁴Md. Akhir Haji Yaacob, *Undang-undang Sivil Islam (terjemahan Al-Ahkām Al-ʿAdliyyah)*, KL: DBP, 1994, hal.471.

Terdapat beberapa potong ayat Al-Quran yang jelas menyebut perkataan tawakkal dan wakil yang memberi maksud menjaga, menjamin, melangkaui dan tempat menyerah. Ini bererti, seseorang itu dilantik menjadi wakil bererti telah diserahkan kepadanya urusan untuk dijaga, dijamin dan dilaksanakan.

Firman Allah S.W.T: "الا تتخذوا من دوني وكيلا"

"Janganlah kamu mengambil penolong selain Aku".

(Surah al-Isra':2)

Di dalam ayat 173 Surah al-Imran Allah Ta'ālā:

"وقالوا حسبن الله ونعم الوكيل"

"Lalu mereka berkata: Cukuplah Allah untuk menolong kami dan ia sebaik-baik wakil".

Selain daripada itu, *'ulama'* fiqh Islam sendiri ada membuat definasi *wakālah* sebagaimana berikut:

1. Definasi oleh golongan Hanafi:

Seseorang menggantikan seseorang lain di dalam sesuatu urusan yang diharuskan oleh *syara'* dan dimaklumi atau memberikan kuasa kepada seseorang untuk bertindak dan menjaga sesuatu perkara sebagai wakil.¹

2. Definasi oleh kebanyakan 'ulama':

Seseorang memberikan kuasa kepada orang lain untuk melakukan sesuatu yang ia sepatut melakukannya di dalam perkara yang boleh dilakukan oleh orang yang menggantikannya semasa hayatnya.²

1.2 DALIL-DALIL PENSYARIATAN WAKĀLAH

Terdapat tiga sumber dalil-dalil penhari'atan *wakālah* iaitu:

1. Al-Quran.

Firman Allah S.W.T yang berbunyi:

”وكذلك بعثهم ليتساءلوا بينهم قال قائل منهم كم لبستم قالوا لبتنا يومنا او بعض يوم قالوا ربكم اعلم بما لبستم فابعثوا احدكم بورقكم هذه الى المدينة فلينظر ايها ازكى طعاما فليأتكم برزق منه وليتلطف ولا يشعروا بكم احدا“

¹ Abdul Rahman al Jaza'ri, *Kitab al fiqh 'alā al-Madhahib al-Arba'ah*, hal. 168

² Ibid

Maksudnya:

“Dan demikianlah Kami bangunkan mereka agar mereka saling bertanya antara mereka sendiri. Berkatalah salah seorang antara mereka, “Sudah berapa lamakah kamu berada di sini. Mereka menjawab, “Kita berada di sini sehari atau setengah hari.” Berkatalah yang lain lagi, “Tuhan kamu lebih mengetahui berapa lamanya kamu berada disini, maka suruhlah salah seorang daripada kamu pergi ke kota dengan membawa perakmu ini, lalu hendaklah dia lihat manakah makanan yang lebih baik, maka hendaklah dia membawa makanan dari yang lebih baik itu untukmu; dan hendaklah dia berlaku lemah lembut (hati-hati) dan janganlah sekali-kali menceritakan halmu kepada seseorang pun”.

(Surah al-Kahfi 18:19)

Ayat ini telah menceritakan bahawa Allah telah menidurkan *Ashābul Kahfi* selama beratus-ratus tahun lamanya dalam keadaan sihat dan selamat, demikian juga mereka bangkit dalam keadaan tidak terjejas sedikit pun, sehingga mereka sendiri tidak menyedari apa yang telah terjadi kepada mereka bahkan ada di antara mereka yang menyangka bahawa mereka tidur hanya sehari atau kurang dari itu¹

Apabila mereka terbangun dari tidur, mereka telah mengutus seorang dari kalangan mereka sebagai wakil ke bandar dengan membawa wang perak untuk membeli-belah makanan untuk dimakan. Utusan tersebut bertindak sebagai wakil mereka untuk tujuan tersebut.

¹Tafsir Pimpinan ar-Rahmān, Bahagian Ugama, Jabatan Perdana Menteri, 1980, hal. 719.,

Ayat ini menjelaskan bahawa boleh bertindak sebagai wakil di dalam sesuatu urusan seperti membeli-belah.

2. As-Sunnah (Hadis Rasulullah S.A.W)

Daripada Uqbah bin Amir, katanya, Rasulullah s.a.w menyerahkan kambing dan biri-biri kepadanya untuk dibahagi-bahagikan kepada para sahabat beliau. Maka tinggal seekor anak kambing, lalu dilaporkan kepada Nabi s.a.w yang bermaksud:

“Sembelihlah korban untukmu sendiri”.

(Sahih al-Bukhari)¹

Para *fuqahā'* bersependapat tentang harusnya *wakālah* kerana Nabi s.a.w sendiri telah mewakilkan 'Amru bin Umayyah untuk menerima 'aqad pernikahannya dengan Ummu Habibah binti Abi Suffian.²

3. *Ijma' al-Ulama'*

Mewakilkan orang lain dalam semua perkara adalah harus hukumnya kerana tidak mungkin semua orang mampu sampai kepada hajat yang dikehendakinya dengan usaha sendiri malah kadangkala ia berhajat kepada bantuan atau kerjasama orang lain untuk memenuhi hajat tersebut. Oleh yang demikian

¹ Abdul Karim Zaydan (Dr), *Nizām al-Qadā'*, Beirut: Dar al-Bashir, 1995, hal. 129.

² Mahmud Saedon Awang Othman (Prof. Dato' Dr), *Al-Ahkām, Penghakiman dan Kepeguaman*, KL:DBP, Jilid 5, hal. 44.

Ulama⁶ telah bersepakat mengharuskan *wakālah*. Adalah harus melantik wakil selama mana ianya diharuskan oleh *Shara'*¹

1.3 RUKUN WAKĀLAH

Wakālah terdiri daripada empat rukun berikut:

1. Orang yang mewakilkan (المكل)
2. Orang yang menerima wakil (الوكيل)
3. Perkara atau benda yang diwakilkan (الموكل به)
4. *Al- sighah* atau lafaz *ijāb* dan *qabul*²

1.4 WAKĀLAH DALAM BIDANG PERUNDANGAN (GUAMAN).

Skop *wakālah* adalah terlalu luas. Setelah kita ketahui serba sedikit latarbelakangnya seperti Penulis bentangkan sebelum ini, Penulis ingin terus membawa perhatian kepada pengkhususan tugasan ini iaitu *wakālah* dalam bidang guaman. (*Wakālah bi al-khusūmah*)

¹Jamal Šidiq al-Marsafawi, *Nizām al-Qadā' Fi al-Islam, Irādah al-Thaqafah Wa al-Nashr*, Jami'ah Imam Muhammad, Saudi Arabia, 1984, hal. 67.

²di sisi Imam Abu Hanifah rukun'akad *wakālah* cuma *as-sighah* sahaja. Adapun yang lain hanyalah diperlukan *'aqad* dan bukan rukun.

1.4.1: Redha Pihak Lawan

Setiap orang yang mendakwa (المدعى) dan orang yang didakwa (المدعى عليه) boleh mewakilkan sesiapa sahaja yang ia suka sebagai wakil untuk perbicaraan, Imam Syafi'i, Imam Abu Yusof dan Muhammad dari Madhhab Hanafi tidak mensyaratkan persetujuan (redha) dari pihak lawannya. Adapun Imam Abu Hanifah mensyaratkannya¹

1.4.2: Wakālah dengan iqrār

Pengakuan (*iqrār*) yang dibuat oleh seseorang yang menjadi wakil untuk perbicaraan terhadap orang yang mewakilkannya, hendaklah dibuat di hadapan hakim. Jika tidak dibuat di hadapan hakim *wakālah* tersebut dianggap tidak *ṣah*. Jika perlantikan untuk mewakili seseorang itu tidak diberi kuasa dari orang yang mewakilkan itu untuk membuat pengakuan tentang dirinya, ia masih dianggap *ṣah*. Sekiranya dibuat juga *iqrār* tanpa izin orang yang mewakilkan tadi maka ia dikira tidak *ṣah* dan terbatallah *wakālah*nya.

¹ Mohammad Mahmud bin Ahmad, al-Bināyah, Al-'Aini, Lubnan : Dar- al-Fikr, t.t. jil. 8, hal. 354

² Md Akhir Haji Ya'cob, *Undang-undang Sivil Islam (terjemahan al-Ahkām al-'Adliyyah)*, Perkara 1517, KL DBP, 1994, hal. 497.

1.4.3: Menerima Upah atau Mengambil Bayaran dari anakguam

Seseorang wakil yang menerima *wakālah* (Peguam) daripada orang yang mewakilkannya (anakguam) di dalam sesuatu perbicaraan tidak mempunyai hak atau kuasa menerima harta yang telah diputuskan oleh Mahkamah sekiranya dia tidak diwakilkan untuk menerima juga. Tetapi sebaliknya *wakālah* untuk menerima harta tersebut tidak merupakan *wakālah* untuk menghadiri perbicaraan di Mahkamah dan wakil untuk perbicaraan bukan wakil untuk perdamaian. Akan tetapi sekiranya wakil (Peguam) itu diberi keizinan dan atas persetujuan kedua-dua belah pihak maka ia dibolehkan untuk membuat *Ṣulh*.

1.4.4: Kes-kes yang boleh diambil oleh seorang Peguam Sharfī

Apabila seseorang melantik (anakguam) wakilnya (peguam) dalam sesuatu kes samada untuk mendakwa atau menjawab dakwaan, maka tindakan menerima *wakālah* itu adalah *ṣah*. Walaubagaimanapun terdapat perbezaan cara menurut empat madhhab:

1. Pendapat Imam Shafī

Menurut madhhab Shafī, wakalah guaman adalah *ṣah* tetapi orang yang menerima wakil guaman tidak boleh melakukan *iqrār*, *ṣulh*, melepaskan hutang dan tidak boleh menerima bayaran hutang¹.

Md Akhir Haji Ya'cob, *Undang-undang Sivil Islam (terjemahan al-Ahkām al-'Adliyyah)*, Ibid. hal. 203.

2. Pendapat Imam Malik.

Syarat-syarat *ṣaḥ* orang yang menerima wakil untuk melakukan guaman adalah seperti berikut:

- (a) Peguam yang dilantik bagi mewakili seseorang anakguam itu hendaklah seorang sahaja bagi sesuatu kes. Tidak *ṣaḥ* melantik lebih daripada seorang melainkan dengan izin pihak lawan.
- (b) Peguam yang dilantik bukan daripada golongan seteru atau musuh kerana ia akan melakukan perkara yang berlawanan dengan kepentingan.
- (c) Tugas-tugas kepada Peguam atau wakil tadi hendaklah ditentukan. Jika anakguam menyebut "Aku wakikan kepada engkau semua urusan berkenaan guaman orang yang melawan aku" maka wakālah tersebut adalah tidak *ṣaḥ*.
- (d) Sekiranya orang yang mewakilkan (anakguam) telah tiga kali atau lebih menghadiri perbicaraan kesnya sendiri, kemudian barulah dia ingin melantik peguam maka perlantikan itu tidak *ṣaḥ* kerana kesnya telah berpanjangan kecuali jika dia uzur setelah hadir tiga kali itu seperti sakit, musafir atau ikhtilaf. Dalam kes ini anakguam dikehendaki bersumpah atas alasan yang diberikan. Jika enggan bersumpah, keredaan pihak lawan adalah diperlukan.

- (e) Wakil atau Peguam itu pula tidak boleh menarik diri setelah tiga kali menghadiri perbicaraan kes anakguamnya melainkan atas sebab uzur dan dia juga dikehendaki bersumpah. Sekiranya perbicaraan yang dihadiri kurang daripada tiga kali maka anakguamnya boleh memecatnya atau dia boleh menarik diri. Manakala pihak lawan pula boleh melantik peguam tadi kecuali jika terdapat tanda-tanda permusuhan maka perlantikannya tidak sah.
- (f) Apabila sesuatu kes telah selesai dan anakguam hendak membuat perbicaraan kes yang baru, maka *wakālah* yang lama terhadap Peguam yang terdahulu itu adalah sah dengan syarat *wakālah* yang lama tidak mengkhususkan kes yang tertentu atau tempoh masa yang tertentu. Sekiranya ditentukan secara khusus dan jika tempoh telah melebihi enam bulan maka hendaklah menggunakan *wakālah* yang baru. Sekiranya kes itu berhubungan maka peguam boleh meneruskan kes tersebut walaupun dalam jangka masa yang panjang.
- (g) Wakil atau Peguam tidak boleh membuat *iqrār* atau pengakuan bagi pihak orang yang diwakilinya (anakguam) kecuali ia dinyatakan dalam *wakālah*. Peguam berhak membuat *iqrār* dalam keadaan *wakālah mufāwadhah* iaitu dalam tiga keadaan:
1. *Iqrār* yang dibuat hendaklah munasabah dan tidak boleh melampaui munasabah
 2. *Iqrār* termasuk dalam perkara yang dipertikaikan

3. Tidak boleh membuat *iqrār* bagi pihak orang lain kerana ada tohmahan.

3. Pendapat Imam Abu Hanifah.

Wakālah boleh dilakukan bagi menjalankan guaman. Anakguam pula boleh melantik seorang atau lebih wakil atau peguam bagi pihaknya. Selain daripada itu pendapat Imam Abu Hanifah ini juga berbeza dengan pendapat Imam Mohammad dan Imam Abu Yusof, di mana perlantikan bagi mewakilinya dalam sesuatu kes hendaklah atas kereḍaan pihak lawan sedangkan *wakālah* ini harus samada pihak lawan *reḍa* atau tidak.

Terdapat juga pendapat Imam Abu Hanifah yang menyerahkan perkara ini kepada *Qāḍī*. Jika difikirkan memudaratkan maka ia boleh ditolak. Hal ini berbeza dengan kes pemerintah yang menjadi salah satu pihak dalam guaman. Ia boleh melantik wakilnya tanpa mendapat kereḍaan daripada pihak lawan. Begitu juga orang yang sakit, ia boleh melantik wakilnya tanpa persetujuan pihak lawan.¹

¹ Md. Akhir Haji Ya'cob, *Undang-undang Sivil Islam (terjemahan al-Ahkām al-Adliyyah)*, Ibid. hal. 200-201.

4. Pendapat Imam Ahmad Ibn Hanbal

Wakālah juga harus dalam kes-kes guaman. Walaubagaimanapun tidak harus kedua-dua pihak wakil dan anakguam tidak harus menerima sebarang bayaran melainkan dinyatakan dalam *'aqad*.

1.5 MASALAH WAKIL MEWAKILKAN PULA KEPADA ORANG LAIN.

Apabila seseorang yang telah dilantik menjadi wakil kemudian dia melantik pula seseorang yang lain maka taukilnya adalah *ṣah*. Para *'ulama'* berselisihan pendapat tentang keadaan-keadaannya iaitu:

1. Pendapat Imam Shafi'i

Adalah *ṣah* hukumnya bagi orang yang telah dilantik melantik pula seorang yang lain walau tanpa izin orang yang melantik atas sebab tidak mampu atau tidak layak menguruskan perkara yang diamanahkan itu. Akan tetapi selain dari keadaan tersebut adalah tidak boleh mewakilkan kepada orang lain kecuali setelah mendapat izin orang yang mewakilkan.

2. Pendapat Imam Malik

Madhhab Maliki mensyaratkan dua keadaan ini bagi mengesahkan seorang yang telah dilantik sebagai wakil melantik seorang lain pula menggantikannya iaitu:

2.1: Wakil atau peguam yang dilantik itu tidak layak melakukan perkara yang diberikan.

2.2: Urusan yang diberikan kepada wakil itu terlalu banyak maka ia boleh melantik orang lain untuk membantu.

3. Pendapat Imam Abu Hanifah

Madhhab Hanafi juga mengharuskan wakil yang telah dilantik mewakilkan pula kepada orang lain meskipun tanpa izin.

4. Pendapat Imam Ahmad Ibn Hanbal

Sekiranya seseorang yang telah dilantik itu mampu melaksanakan urusan dengan sendiri maka adalah tidak harus ia melantik orang lain dengan keizinan orang yang memberi wakil.¹

1.6 MASALAH PEMECATAN WAKIL ATAU PENARIKAN DIRI.

Menurut Majallah Al-Ahkām Al-‘Adliyah masalah pemecatan wakil ini disebut dalam perkara 1521 hingga perkara 1530.

Orang yang mewakilkan boleh memecat wakilnya daripada *wakālah* sekiranya hak orang lain tidak bergantung kepadanya begitu juga wakil boleh menarik diri sekiranya tiada hak orang lain bergantung padanya. Sekiranya

¹Abdul Rahman al-Jaza'ri, *Kitāb al-Fiqh'alā al-Madhahib al-Arba'ah*, Jilid 3, Beirut: Dar al-Fikr, hal.203-206

terdapat hak orang lain dia terpaksa menyempurnakan *wakālah*. (Perkara 1521 dan perkara 1522).

Seseorang wakil dianggap telah terlucut *wakālahnya* sehingga notis pemberitahuan sampai ke tangannya. Begitu juga jika dia hendak menarik diri, surat pemberitahuan itu mesti sampai kepada orang yang melantiknya barulah dianggap gugur *wakālahnya*. *Wakālahnya* sah sehingga orang yang melantik itu mengetahui perletakan jawatan tersebut. (Perkara 1523 dan 1524)

Setiap *wakālah* itu berakhir dengan selesainya urusan atau kes yang diwakili dan secara automatik juga dikira terlucut *wakālahnya*. (Perkara 1526).

Sekiranya salah satu pihak samada orang yang mewakilkan (anakguam) atau wakil (peguam) meninggal dunia secara rasminya *wakālah* tersebut terbatal. (Perkara 1527 dan 1528). *Wakālah* juga terbatal sekiranya orang yang mewakilkan atau yang dilantik mewakili itu gila. (Perkara 1530).

1.7 KESIMPULAN₂

Islam merupakan cara hidup yang lengkap dan unggul. Oleh itu setiap peraturan yang diberikan adalah terperinci dan teratur. Begitu juga dalam Bab *Wakālah* ini. Bukan setakat *wakālah* dalam bidang guaman malah ia merangkumi aspek *wakālah* dalam jual beli, nikah dan sebagainya. Oleh sebab itu kita semestinya memperjuangkan ketinggian martabat undang-undang Islam agar ia tidak diperlecehkan, diremehtemehkan atau diperkecilkan samada oleh orang Islam sendiri atau orang kafir lebih-lebih lagi.

BAB DUA

PERANAN DAN KEDUDUKAN PEGUAM *SHARĪ* DI MALAYSIA

2.1	PENDAHULUAN	15
2.2	SEJARAH PROFESION GUAMAN	15
2.3	PERANAN PEGUAM <i>SHARĪ</i>	17
2.4	KEDUDUKAN PEGUAM <i>SHARĪ</i> DI MALAYSIA	21
2.5	TATATERTIB PEGUAM <i>SHARĪ</i>	24
2.6	KESIMPULAN	27